



事物紀原集類卷第七

凡六部共一百八十二事

臆也

鄉貢進士閻敬校正

庫務職司部第三十四凡二十八事

水井務

周禮有凌人掌斬冰三其凌注云凌冰室也其事始見於此
鄴城舊事有水井臺魏志云建安十九年魏王曹操造此臺
以藏冰為凌室故號水井唐上林令堂藏冰職在司農宋朝
會要曰建隆三年置水井務隸皇城司也

圖畫局

宋朝會要曰雍熙元年置翰林圖畫院在內中池東門裏咸
平元年移在右掖門外紹聖二年改院為局

國信所

又曰國信所掌契丹使介交聘之事景德初遣內臣排辦禮信四年改初雄州用兵之際每密事擇吏主之號譏宣司及契丹請和改曰國信司又景德四年八月帝謂近臣曰契丹使副到闕見辭及館接伴支賜例物并朝廷遣使合行之事並有規制行之以二年已成定例可特置管勾往來國信所一司舊止云排辦禮信所至是立局署印也

燒朱所

又曰燒朱所太平興國三年置

寺務司

又曰寺務司淳化四年置

騏驥院

周官有十二閑蓋國馬之所也漢有未央廐唐有飛龍院宋

朝會要曰舊左右飛龍院太平興國五年正月改曰天廐院
雍熙二年十月改為騏驥院

估馬司

宋朝會要曰估馬司咸平元年置掌納諸州所市馬估直驗記置牧養今廢陝西猶存其局也

糧料院

國初承舊制有糧料院使會要曰太平興國五年正月分糧料諸司馬步軍為三院雍熙四年四月改用使臣勾當端拱二年改以京朝官主之神宗元豐末併為軍步軍為諸軍與諸司為二院

專勾司

又會要云專勾司淳化三年戶部使樊知古奏置以分三司

此
勾院文案之繁務馬步各一司五年合為一也

又曰北排岸司建隆三年置也

朝服庫

又曰朝服法物庫太平興國二年置分三庫也

裁造院

又曰乾德四年始置裁造院

雜買務

唐德宗置宮市以中官主之國初有市買司太平興國四年改為雜買務至道中廢咸平時復置也

雜賣務

又會要云雜賣務景德四年置

懷遠驛

又曰懷遠驛景德三年置以待海內諸國進貢使介也

文思院

唐有文思院蓋天子內殿之比也其事見畫斷然非工作之所而宋朝太平興國三年始置文思院掌工巧之事非唐制矣會要云青箱雜記曰考工記稟氏掌攻金其量銘曰時文思索故今世工作之所號文思院

二八作

會要又云舊八作分兩使止一司太平興國二年分兩司景

德四年又併為一司監官通掌夫聖元年始分置官局也

箔場

又曰建隆元年置箔場

二密務

後漢有甄官署歷代皆有之掌埽瓦之事即今密務之掌也
宋朝會要曰舊有東西二務景德四年廢於河陰置受納場
大中祥符二年復置東密務受納場為西密務或云太祖建
隆中始置二密務云

弓弩院

周官有司弓矢隋弓弩署唐為弩坊即今弓弩院也宋朝會
要曰開寶九年置弓弩院

皮剝所

宋朝會要曰皮剝所開寶二年置

店宅務

又曰店宅務國初為樓店務太平興國初改今名淳化三年

分四廂至道三年復為店宅務咸平元年為都大店宅務大
中祥符六年復今名

外物料庫

舊曰焚燒庫大中祥符七年改為外物料庫

水磨務

又曰水磨東西二務開寶二年置今廢又有大通門務淳化
元年置

金耀門書庫

景德三年置以貯三司文案俗曰故紙倉東京記曰二年置
掌三司積年文案舊曰三司文書倉

綾錦院

又曰乾德年以平蜀所得錦一置內綾錦院太平興國二年

分東西二院端拱元年合為一

布庫

又曰諸州所納布舊係左藏庫建隆元年移置布庫在常樂坊也

二染院

唐有染署職在少府後為染坊宋朝會要曰舊染坊太平興國二年分為東西二染院咸平六年有司上言西染院水宜

於染練乃辨之
州部方域部第三十五凡州十九事

路

唐正觀十三年天下州府三百五十八始分為十道一云在元年併首州縣始因開河近便分置也唐會要云正觀元年

三月十日也開元中又為十五道皇朝曰路又分為二十四路矣

府

漢制三公開府故稱三府魏晉以後諸王又稱府唐高祖武德初邊鎮襟帶之地置總管府七年改曰都督府唐會要云二月十二日也開元三年始改京兆河南曰府此蓋府之始也注蘇氏演義曰府聚也聚所在同回籍簿書之處風俗通云公卿牧守通德之所聚也

州

項峻始學篇曰人皇九頭依山川土地之勢財度為九州又治書曰人皇始出於提地之國以長九州為九囿人皇乃有中州此名州之始也周公職錄圖曰黃帝受命風后受圖割

地布九州公華曰黃帝分州畫野或曰高陽創九州亦云高辛通典曰唐有九州舜肇十有二州禹又別九州漢以州部郡唐武德元年廼罷郡置州也注代宗時楊綰為相定上中下州文宗相韋處厚乃置六雄十望十緊等州也

縣

周禮四甸為縣史記秦本紀曰孝公十二年并諸小鄉聚為縣商君傳曰鞅令邑聚為縣則名縣之始自秦孝公也陸法言切韻曰楚莊王滅陳以為縣之名自此始秦并天下以郡領縣隋文帝開皇二年罷郡以縣隸州也注說文曰天子百縣上四郡周禮小司徒之職方二十里之地也

郡

秦始皇二十六年初并天下罷侯置守始分三十六郡也注

史記曰秦滅東周始置三川郡按說文天子地方千里分為

百縣上四郡左傳曰上大夫受郡秦始以郡監領縣

鎮

通典曰鎮將後周之通班也隋亦曰鎮產分上中下三等歷代未聞疑頭始于宇文周代也宋朝之制地要不成州而當津會者則為軍以縣兼軍使民聚不成縣而有稅課者則為鎮或以官監之

鄉

周禮六鄉以為軍政謂比閭族黨州鄉也著周制矣秦制大率十里一亭十亭一鄉漢以屬縣也

關

周官司徒之屬有司關又有下士二人注云關界上之門則

教書樓

教書樓設苑曰太祖今天下
置教書樓今州縣所有
是也

鼓角樓

唐百官志曰前度使肆
日賜雙節竹則建節立
六義入境州縣立節樓迎
以鼓角今州郡有樓以安鼓
角俗謂之鼓角樓蓋自唐
始也

酒務

唐德宗建中元年制禁人
沽酒官司置店自沽收利
以助軍實唐志云正元二

年天下置肆以沽也通典云
開皇二年罷酒坊則為事
起自隋而唐復之也

進舖

蓋自三代有也國語曰晉以傳
召伯宗又吳王曰徒遠來者
注云徒步遠傳也孟子曰德
之流行遠於置郵而傳命
皆周事也其事自周始也

關蓋周制也
驛

又地官遺人之職凡國野之道十里有廬七百里有驛
有宿上有路室路室有委五十里有市上有肆肆有積
今二十里馬舖有歇馬亭即路室之遺事也六十里有驛
有餼給即候館之遺事也漢自鄭莊置驛以召須客也故後
世亭傳有驛名通典曰唐三十里置一驛其非通途大路則
曰館由是通謂之館驛雖事起於周名出於漢通途大路則
葉駟駟驛也則為遞之制已見於周矣漢文六年乃詔太僕
見馬餘皆給傳置也

急遞

筆談曰驛傳舊有步馬急遞三等急遞最遞日行四百里惟

軍與用之熙寧中又有金字牌急脚遞如古羽檄也以失之
木牌金字日行五百里軍前抵速處分則自御前發下三省
樞密莫得與也

貧子院

事始曰開元二十二年斷京城乞兒官置病坊給廩食亦為
悲田院或曰養病院記之為其所始按唐會要曰開元五年
宋璟蘇頲奏悲田院養病從長安以來置使專知所稱悲田
乃闕釋教此是僧尼職掌至二十三年乃分置於諸寺惟長
安中初置使之文則知其前所始而事始所記乃給廩食所
始謂為事之起于此者非也宋朝又因之以僧院名福田今
亦曰悲田也

鼓樓

北史李崇為兗州牧州多盜崇乃村置一樓一鼓以警盜賊唐張說始設於京城之內

阡陌

史記秦紀曰孝公十二年開阡陌東地渡洛又商君傳曰商鞅相秦孝公壞井田開阡陌又始皇紀太史公曰昭襄已立四年初為田開阡陌

地里

春秋命曆序曰神農度地形甄度四海東西九十里南北八十一万里然則炎帝始有里數矣淮南子則曰方民喜置堯為天子於是天下廣狹險勿遠近始有道里之起自陶唐氏始也按黃帝內傳有記里早則里始於炎帝明矣

里略

山海經曰帝令豎亥步天地之東西二万八千里南北二万六千里淮南子曰禹使大章步自東極至西極二億三千五百里七十五步又八極之廣東而二億三万三千里南而北二億三万一千里而黃帝有記里之車按黃帝遊幸天下而車以記里疑道路之紀以里堆起軒轅时也

封堠

拾遺錄曰禹治水所穿鑿處皆青泥封記使玄龜印其上令人聚土為界乃遺事也此封堠之始矣

儀制令

談苑曰太平興國中孔承恭為大理正上言儀制令賤避貴少避長輕避重去避來望令於兩京諸州要害處刻榜以揭之所以興禮遜厚風俗從之今京師諸門閤亭皆有之而所

在道途雙堠處皆刻之蓋自本朝孔承恭始也

地名

項峻治書曰人皇出於提地之國則提地疑國名也於是因有名則土地國邑之名此為之始也

山川名

人皇以來土地國邑始各有名則山川之號疑亦從此起故神農興於厲山共工之觸不周炎帝以姜水黃帝以姬水此山川之名之始也書呂刑曰禹平水土主名山川注云無名者主名之於是凡山川皆名之矣山海經洎爾雅所載者是也

地圖

春秋元命包曰神農世怪義生山阜圖地形脉水道注曰怪

義白阜母名圖畫地形通水道之脉也今有北圖疑始于此

弓手營

宋朝會要曰咸平五年八月置縣尉司弓手營

浮橋

春秋後傳曰周赧王五十八年秦始皇作浮橋於河上按詩大明云造舟為梁孫炎曰造舟比舟為梁也此舟於水加板於上今浮橋也故杜預云造舟為梁則浮橋之謂矣爾雅釋水曰天子造舟諸侯設舟大夫方舟士特舟夏商尚質等制之文未備故鄭康成以為周制後傳以為秦始皇疑周有事則造舟而秦乃繫之也

温湯

辛氏三秦記曰秦始皇與神女遊作甘香之生秦始皇怖

謝乃為出温湯洗除後人因以為驗漢武故事曰秦皇砌而起宇武帝加脩飾焉

真壇淨社部第三十六片三十一二七

道觀

周穆王尚神仙召尹軌杜冲居終南山尹真人草樓之所因號樓觀蓋道觀之初也黃帝內傳西王母授帝白玉元始真容置於高觀之上時人謂之道觀名觀之義疑取諸此隋煬帝改為玄壇後復曰觀注續事始云宋廢國學置總明觀疑自是以來道家者流擬之以名其所居也

景靈宮

宋初會要曰大中祥符五年十一月詔以三祖宮奉天聖建宮漢以錫慶院建約唐太清宮制度仍上額名曰景靈

宋太宗元豐中又廣其制書奉諸帝后

御容也

上清宮

宋敏求東京記曰端拱元年二月太

宗詔取晉廟時太初

賜金帛建宮至道元年八月宮成帝

御書額金墳其字賜之

仁宗慶曆三年十一月遭焚毀熙寧

元豐間雷憲法師王太

初再營之元祐初年宣仁太皇太后

為出梅新殿重建置也

東太

宋朝會要曰太平興國初焚芝蘭宮

五福太一所在無兵

人民曲禁凡行五宮四十五年一移

自雍熙元年入黃室巽

宮在吳分蘇州請築宮以祀六年十

月芝蘭又宮都城東南

地名蘇村可徙宮以應蘇名遂詔營

建注紀年通載則謂興

國八年正月作也

西太一

又曰天聖六年三月司曆言五福太一自雍熙元年甲申及今四十五年太一行基當入蜀郡之坤宮曰黃庭可於國城西南別建新宮於是詔擇八角鎖池建西太一宮注紀年通載曰天聖六年二月建太一宮於西郊

中太一

神宗熙寧初即五岳觀舊址營中太一宮蓋自仁宗天聖六年至熙寧五年壬子四十五年五福天一行基自黃庭宮移入真室之中下臨京都之中故也

建隆觀

錢易洞微志曰周顯德中營道宮於聖城之西梁門外賜為太清觀太祖在天下始重創之改為建隆注東京記內侍錄

惟一入道建三官院

集禧觀

宋朝會要曰大中祥符五年九月詔下謂就南薰門內奉節致遠三營地及墳乾池之西偏建觀以奉五岳帝七年九月詔名觀曰會靈仁宗時觀大既重建改曰集禧

池園

又曰大中祥符八年五月詔會靈觀池以凝祥為名園以奉靈為名池觀醮殿蓋太祖所建池殿舊址也

醴泉觀

東京記曰本拱聖營天禧元年營卒有見龜蛇者軍士因建貞武堂二年閏四月泉湧堂側汲不竭民疾疫者飲之多愈乃詔就其地建觀十月觀成名祥源宋朝會要曰天禧二年

閏四月詔拱聖宮醴泉所立觀以祥源為名仁宗時觀災既重立易今名曰醴泉

萬壽觀

本玉清昭應宮東偏別殿也宋朝會要昭應宮篇云天禧三年十一月皇后皇太子於東宮偏長生殿置經藏以祝聖壽詔觀殿名長生崇壽五年七月作皇帝本命殿於宮中名萬壽仁宗朝五清昭應宮災所存止此殿重加營葺後以為萬壽觀也注林希兩朝寶訓曰天聖七年七月玉清昭應宮災上以所存長生崇壽殿為萬壽殿年通載云六月也

天慶觀

又曰大中祥符二年十月詔天下州府軍監閔縣建道觀一所以天慶為名

白馬寺

漢明帝於東都城門外立精舍以處攝摩騰竺法蘭即白馬寺也騰始自西域以白馬馱經來初上鴻臚寺遂取寺名初置白馬寺即僧寺之始也隋煬帝改曰道場後復曰寺

尼寺

僧史略曰東晉何充始捨宅安尼此蓋尼寺之起也

寺額

漢取鴻臚寺名置白馬寺以處僧當是以白馬為額耳然則僧寺名額自漢顯宗始也

相國寺

唐房僚石幢記曰相國寺肇有中宗叶夢始置于茲宋敏求東京記以本北齊大建國寺後廢唐為鄭家宅因病捨為招

提坊神龍二年僧惠雲建為寺延和元年睿宗以舊封相王
因改為相國寺宋朝會要曰至道中太宗御題額易曰大相
國寺東塔曰晉滿唐至德二載建開寶六年太祖脩西塔曰
廣願元祐元年僧中惡立會要又云咸平五年名後閣曰資
聖東京記則云景德五年賜名也神宗熙寧間重修飭之併
諸院為八東曰寶嚴寶壽寶賢寶惠林而曰定慈廣慈普慈智
海東京記又曰仁濟殿天聖八年建後與寶奎殿同賜名也
景德寺

宋朝會要曰本相國寺疏圃周顯德中以僧君隘於此別建
下院賜額天壽淳化二年別建寺門景德二年改令額天禧
四年建寺廊經樓注東京記曰周世宗顯德五年以相國寺
僧君隘就寺疏圃別建置院分居之俗號東相國寺六年

賜額曰天壽恭帝誕節名也又有觀音院峨眉僧茂正所建
興國寺

談苑曰太平興國寺舊龍興寺也周世宗廢為龍興倉國初
寺主僧屢擊登聞鼓求復為寺上遣中使待劔以謂之曰此
寺前朝所廢為倉教以貯寧糧汝何故煩清帝庭朝命斷取
汝首仍戒之目儻優蹇仰畏即斬之或臨刑無懼即未可既
訊神色自若引頸就戮上大感嘆復以為寺宋朝會要曰唐
龍興寺也開寶二年詔重修太平興國元年賜今額

傳法院

又會要曰太平興國五年詔於太平興國寺大殿西度地作
譯經院中設譯經堂東序為潤文堂西序為正義堂自是每
誕節即獻經也八年故為傳法院按隋有翻經館唐初亦有

翻譯之事元和後廢然則太宗之置茲院亦隋翻經館也
四大寺

五代會要曰用顯德四年九月賜京城內新修四大寺額以
天清顯靜顯寧聖壽為名聖壽後又改曰顯聖是則四寺之
始也

建隆寺

在揚州州城西北宋朝會要曰太祖征李重進於此置砦賊
平建隆二年正月詔建寺焉有御榻在寺太祖忌日寺僧奉
榻修供大中祥符五年始於寺建聖容殿元豐中神宗修景
靈列聖神御殿故聖容復歸京師

崇聖寺

在并州舊州城外又會要曰舊名平晉寺太祖親征劉繼元

行宮也興國中詔建寺賜名後於中設太宗御容大中祥符
二年改名崇聖

慈孝寺

又曰慈孝寺故馱馬都尉吳元康宅也天聖二年十二月十
二日詔建寺奉真宗神御初議名慈聖時太后號有此二字
改賜今名東京記曰戒壇院本寺園寶元初僧文旦營砌戒
壇慶曆五年賜額也

開寶寺

東京記曰北齊天保十年置號獨居寺唐開元十七年明皇
東封改曰封禪寺宋朝會要曰開寶三年三月改今名福聖
院會要云初吳越王錢俶在杭州建阿育王塔藏佛舍利歸
朝於此建塔云端拱二年成加建塔院咸平二年賜今額東

京記云本新羅僧智照所居舍利塔錢俶興國中令俞皓造
慶曆四年六月火焚之後即其舊址建閣焉成於神宗元豐
之初慈聖太皇太后以推錢助成之賜名慶壽崇因或曰仁
宗時已為此名其額亦帝所書但藏之禁中未以賜之洎閣
成遂出以榜也永安院東京記曰本號普慶太宗在晉邸重
建以賜僧普潤仍奏今額

崇夏寺

東京記曰唐大中三年置建隆中石守信以寺門窄狹重造
二年八月門成車駕臨幸宋朝會要守信重修三門詔治宮
材也

應天寺

後唐夾馬營也即太祖誕生之地景德二年真宗每幸二月

詔建院奉太祖神御如啓聖制度大中祥符二年賜名應天
在西京之水北民間謂之瑠璃寺也

啓聖院

即太宗誕生之地晉護聖營也太平興國六年建院雍熙二
年成賜名啓聖東京記曰本晉護聖營天福四年宣祖典禁
兵太宗誕聖其地興國中建院也

普安院

又曰普安院周顯德中建建隆初賜今額
奉先寺

又曰奉先資福禪院即安陵卜定乾德二年改卜五月詔就
陵域置院也

資聖院

在新并州會要又曰天禧五年真宗嘗親征為陣亡將士
追福德神虎三部落營地造天聖初成賜名資聖太祖太宗
忌日皆就建道場

崇貞院

又曰崇貞院初太宗陳國長公主出家大中祥符二年八月
進封吳國號報慈正覺大師賜名清裕九月出居是院初在
建初坊後以迫隘徙城西隆安坊即今俗謂七公主院者是
也

印經院

又曰太平興國八年置印經院神宗熙寧末廢其院以所印
板賜顯聖寺

靈宇廟貌部第三十七凡二十六事

靈顯王

在鄭州城東僕射陂側陂本後魏孝文賜僕射李冲里俗因
呼僕射陂唐末建廟因陂為名俗誤傳為李靖後唐明宗天
成二年贈靖太保晉天福二年八月勅唐衛國公李靖宜封
靈顯王

顯聖王

廟在寧州真寧縣即要冊湫也漢祠官所領唐乾符中封神
為應聖侯光化二年封普濟王宋朝太宗在晉邸有神告之
應太平興國二年七月四日封顯聖王按張緒續錦里耆舊
傳曰太宗尹天府登極前有邠州客打軍巡引見問爭由曰
爭說要冊大王上曰有侵傷不均吾為平之若爭要冊大王
外邊商量此蓋神告之事耳

廣濟王

在永康軍導江縣李水廟也秦孝文王時水為蜀郡守自汶山壅江灌溉三郡開稻田歷代以來蜀人德之饗祀不絕偽蜀封大安王孟昶又號應聖靈感王開寶七年改號廣濟王

英顯王

廟在梓州梓潼縣本梓潼神也舊記曰神本張惡子仕晉戰死而廟存唐明皇狩蜀神迎於萬里橋追命左丞相僖宗播遷亦有助封濟順王咸平中益卒為亂王師討之忽有人呼曰梓潼神遣我來九月二十日城陷果克四年州以狀聞故命追封英顯王

新息王

辰州新息王廟後漢伏波將軍馬援祠也咸平元年三月本

州上言水旱祈禱有應請加封號即今號是也

廣濟王

宣州敬亭山神也宋元嘉二年有錢塘神梓華友人雙霞識之為神同在廟中縣令盛疑焚之來託此山景二神中封昭威侯偽唐保大中封昭威王景德元年知州裴莊請加朝命故追號廣惠王

顯應王

在泉州是廟舊封昭德王天禧三年五月本州言歲旱禱之有應故加封號今顯應王是也

順濟王

筆談曰彭蠡小龍顯異人人能道之熙寧中正師南征有軍仗數十船泛江而南龍即伏其中乘風日數百里有司以狀

聞詔封神為順濟王遺禮官林希致詔祠下

英烈王

大中祥符五年詔杭州吳山廟神宜特封英烈王神即伍子胥時新葺廟故也

德安公

即夷門山神也景德四年十二月加封號德安公

顯應公

在京城北即崔府君祠也相傳唐滄陽令沒為神主幽冥本廟在磁州淳化中民於此置廟至道二年晉國公主石氏祈有應以事聞詔賜名護國景祐二年七月封護國顯應公

炳靈公

五代會要曰後唐長興四年七月封泰山三如為威雄大將

年時上不... 僧進... 國朝會要曰廟在

兗州泰山... 山神三郎也後唐詔封威雄將軍大中祥

符七年十月十五日詔封威雄將軍為炳靈公

明應公

在潤州即焦山大聖祠也大中祥符七年四月詔特封明應公

靈惠公

在鄒州烏聊山即唐越國公華神也郡人立祠大中祥符二年詔封靈惠公

靈濟公

在梓州射洪縣即溫州刺史陸弼神也弼貶瀘州有善政卒七年為立廟水旱... 禱為蜀封洪濟王大中祥符六年九月

詔封號靈濟公也

昭應公

在河南府永安縣至道二年十月太宗由陵之水牛山下忽有泉湧山陵使元份以聞詔立廟泉側賜名昭聖景德四年特封昭應公

嘉應侯

熙寧間有姓共立東岳張太尉祠於國城之外東南隅俗傳神姓張氏淮陰人死隸岳神主陰府要職京東州郡往往有祠世謂張舍人者是也至此號太尉元豐中光獻太皇太后祈有感始封嘉應侯號

靈惠侯

元豐時國城之西代江淮口二郎神祠云神永康道守江蘇廣

濟王之子即秦李冰也會要所謂冰次子即君神也今上即位勅封靈惠侯

東嶽諸祠

大中祥符元年十月十五日詔封泰山上通泉廟為靈孤侯亭亭山為廣禪侯嶧山神為靈嶽侯

普濟廟

在京城西南隅景福坊即九龍堂也大中祥符四年六月十九日詔令完真因賜名普濟廟也

靈澤廟

在鎮戎軍朝那湫即龍廟秦漢所祠湫淵也天禧二年四月八日賜廟名靈澤

顯靈廟

在河南府永安縣安陵東北即蛇王祠也景德四年二月賜廟名顯靈

靈惠廟

在永安門徘徊泉上即泉神也大中祥符五年江守訓立廟遂賜靈惠名焉

靈源廟

在衛州共城縣即百門水所出也唐長安中置廟咸平元年春祈雨有應四月詔賜廟額曰靈源

豐寶廟

景德三年九月解州上言兩池左右祠廟請易顯額詔取圖經所載者賜額遂改解縣池龍廟額曰豐寶安邑曰寶安分靈廟曰廣惠注自此以上除嘉應靈惠三侯外其不詳所出

者皆出類朝命異

生祠

漢子公為縣吏曹決獄平郡中為立生祠自三代而來無生祠為立祠者至此始見茲事則生祠而立祠始於漢世也

道釋

漢自桓帝考灌龍之宮設華蓋以祀浮圖老子由此釋道二教稍稍興矣逮晉室其道始盛東遷之後三教時立此釋道之所祀也

符籙

龍魚河圖曰天遣玄女下授黃帝其信神符制伏蚩尤黃帝出軍決曰蚩尤無道帝討之夢西王母遣人以符授之帝悟

立壇而請有玄龜噴符後水中出置之壇中蓋自是始傳符錄也

金寶牌

宋朝會要曰天禧元年四月詔內出聖祖神化金寶牌分給在京宮觀及外州名山聖跡之處面文曰玉清昭應宮成天尊萬壽背文曰永鎮福地帝自封之命中使送諸路天慶觀今諸郡道正副所掌者是

道士

黃帝內傳有道士行禮之文此疑謂有道之士也樓觀本記曰周穆王因尹真人草樓之觀召幽逸人居之謂之道士平王東遷置七人漢明帝永平七年置三七人晉惠度四十九人審此即是自周而有也司馬遷班固叙秦漢其詳洎春秋

以來對無一人以一日彷彿道錄事書亦為可疑矣然范曄後漢書於光武紀論為天子器前漢末事士浮丘公接周靈王八子晉上嵩高山者

道錄

續事始引仙傳拾遺曰隋文帝始以玄都觀主王延為威儀唐置左右兩街宋朝會要曰唐有左右街威儀周避諱改為道錄宋朝因之

都監

又曰太平興國中增置副道錄都監首座通舊為八員已上總知教門公事

首座

又曰首座亦太平與國中增置

緊義

又曰天禧五年置首座儀義分領本街事

道官

唐高宗時葉靜能入直翰林為國子祭酒姪孫法善玄宗時

授銀青光祿大夫鴻臚卿又尹愔亦拜諫議大夫道士之命

以官自高宗始也宋胡會要曰開寶五年十二月賜道士玄

秘大師馬志通議大夫階

道封

後周武帝時衛元嵩封蜀郡公蓋道士受封之始也葉法善

玄宗時亦封越國公

道贈

唐王知遠贈昇玄先生

葉法善贈金紫光祿大夫越州都督

道士之喪贈蓋自王知遠始也

道謚

梁代陶洪景死賜謚正

白先生則道之謚自梁陶隱居始也

道號

元魏世祖時賜寇謙之天師之號後漢張道陵亦有天師之

稱蓋自列子言黃帝之稱牧馬童子曰天師始也唐玄宗賜

李含光曰玄靜先生此賜號先生之始也宋朝綠唐事亦有

賜先生處士者真宗時博賜號希夷先生神宗時張璪賜號

冲靖處士是也

道紫

唐中宗神龍初葉靜能雖加金紫之階而未頒紫衣至代宗

時李泌立大功李輔國將不利之泌乞為道士許之又賜紫衣其後道士賜紫自李泌始也朝野僉載曰史崇玄附太平公主授鴻臚卿衣紫羅襪披蓋鮮衣之而未賜也

佛像

漢書霍去病過焉者山得休屠王祭天金人顏師古注云作金人為天神之主今佛像是其遺法後漢明帝夢金人長大頂有日光傅毅曰天竺有其道者號曰佛於是遣使天竺圖其形像此中國有佛像之始也宋書云漢世始有佛像也

佛塔

高僧傳曰康僧會吳赤鳥十年至建業孫權使求舍利既得之權即為造塔晉帝過江更修飾之以蓋中國造塔之始也

佛經

漢明帝永平中摩騰竺法蘭以白馬馱經至東都即四十二章經中國之有佛經此蓋其始也郡城舊事云永平十年經像初來也

譯經

漢自永平後摩騰首譯四十二章經歷魏晉南北朝皆有經館唐置譯經潤文之官元和後廢宋朝太宗興國中復興其事置譯經院也

談禪

寶林曰佛涅槃時告迦葉曰吾清淨法服以付汝迦葉傳阿難二十八代至達摩迦葉普通中自南天竺泛海至廣州後止

讚頌

嵩山住少林寺傳惠可中國談禪自此始也

僧史略曰讚唄原始按十誦律中俱胝耳作三契聲以讚佛
後趙石勒時建中神略安邑諷詠經音七日方絕僧有摹寫
為梵唄焉此讚梵之始也續搜神記曰晉太元中竺曇遂死
作清溪廟神諸道人詣廟便靈語云久不聞唄聲其伴惠範
為作之即是自晉已有讚唄非始於石勒是也

戒律

又曰漢靈帝建寧三年丁安世高首出義决律二卷次有比丘
諸禁律魏世天竺三戒曇摩迦羅到許洛慨魏境僧無律範
遂於嘉平中與曇諦譯四分羯磨及僧祇戒心圖此蓋中國
戒律之始也

戒壇

又曰漢魏之僧雖剃法而戒法未備唯受三歸嘉平正元中

魏傳戒律立大僧羯磨法斯蓋比丘立戒壇之始也又曰起
于南朝宋郗跋磨為宋國比立於蔡州岸受戒為始自尔南
比相次為壇

受戒

又曰此中國之受戒自魏朱立行為之首也

尼壇

又曰受戒初本僧尼同壇但本朝太祖不許尼往僧中自是始
別為壇宋朝會要曰開禧只五年二月詔自今尼有合度者只
許於本寺起壇受戒蓋自此始別立尼受戒壇也

尼戒

薩婆多師資傳曰宋元吉如十一年師子國尼鐵索羅等於建
康南林寺壇上為景福寸尼惠果淨音等受戒法事此方尼

受戒自惠果等始也

僧

後漢明帝遣蔡愔等往天竺訪僧法於彼見摩騰乃要還漢地此中國有僧之始也僧史略曰漢明聽陽城侯劉峻等出家此又中國之人為僧之始也注新唐書傳奕上疏曰浮圖法漢明始立胡祠然惟西域桑門自傳其教西晉已上不許中國削髮事胡石符亂華乃弛厥禁此中國為僧之始也

尼

僧史略又曰漢明帝既聽劉峻等出家又聽洛陽婦女阿潘等出家此蓋中國尼之始

稱釋

高僧傳曰出家從師命氏皆道安受業也圖澄澄姓帛氏安

以師莫過佛遂以釋為姓僧之稱釋自道安始也

度牒

僧史略曰度牒自南北朝有之曰高僧傳名籍限局必有憑由憑由即今祠部牒也唐會要曰天寶六年五月制僧尼令祠部給牒則僧尼之給牒自唐明皇始也

空名

唐食貨志曰肅宗至鳳翔明年鄭叔清議以天下用度不充諸道得召人納錢給空名度僧道則是空名度牒自唐肅宗始也

僧隸

唐會要曰武后延載元年五月十一日勅天下僧尼隸祠部此祠部轄僧之始也唐志亦云

僧帳

又曰舊制僧尼簿三年一造其籍一本送祠部一本留州縣
又開元十七年八月十日勅僧尼宜依十六年舊籍則僧尼
供帳始于此耳僧史略曰唐文宗大和四年正月祠部請天
下僧尼具名申省以憑入籍入籍造帳自太和始也二文不
同以會要為正本朝用周顯德事三年一造帳定著于令

僧講

僧史略曰僧講自朱士行魏代講道行經始也

尼講

又曰東晉廢帝大和三年洛陽東寺尼道馨通法華維摩研
窮理味一方宗師此則尼講論之始也

僧謚

洪明集曰後魏太祖時法果卒謚趙胡靈公此僧賜謚之始
也宋朝會要曰咸平三月八日梵僧法賢卒謚慧辨四年法
天卒謚元覺其後施護卒亦謚明悟也

道林謚

貞宗寶錄曰大中祥符六年六月甲申詔謚誌公真覺大師
宜加為道林真覺大師注宋敏求東京記曰祥符五年謚真
覺大師

明覺謚

又曰大中祥符六年六月戊子詔泗州僧伽大師宜加號普
照明覺大師

僧封

洪明集曰元魏封法果輔國宜城子果加忠信侯安城公

唐封不空肅國公僧之得封自後魏太祖始也

僧贈

元魏法果卒贈老壽將軍趙胡靈公此其始也唐亦贈不空司空

僧官

自隋文帝以沙門彥琮為翻經館掌士後始命僧以官及唐又以不空為開府儀同三司試鴻臚卿宋朝會要曰太宗時法賢雍熙四年加試光祿卿階朝散大夫其後法天累試鴻臚卿亦加朝散大夫及惟淨以故吳王煜弟從鑑之子為梵學筆授大中祥符後同譯經為試光祿卿也注太祖朝僧元靄亦加朝散大夫階也

僧錄

廣洪明集曰後魏太祖始中以沙門法果為總管攝僧徒文帝以師賢為僧統參玄語錄曰後秦姚萇立道畧音畧為僧正秩同侍郎法欽慧斌掌僧錄給事同吏人此僧立正錄之始也又元魏以沙門僧顯為京師統隋天下分置十統呼上統或曰大統唐罷統立兩錄司於京邑謂之僧錄

僧號

後秦鳩摩羅什始號法師其後中國名僧亦稱之晉朝講經草堂寺有朝臣大德沙門于徐人此始有大德之呼後趙石虎號佛圖澄曰大和尚此稱和尚之始也晉初鳩摩羅炎東渡龜茲王請為國師姚興迎羅什待以國師之初也梁勅慧約云允膺闡梨之尊屬當智者之號此師號之起也唐中宗神龍二年號萬迴曰法靈公姚秦又號羅什為大師則大師

之名蓋起於此唐僖宗廣明中賜僧知玄號悟達國師僧徹淨光大師可符法智大師德宣演暢大師自此始為朝廷寵渥之命見事始云

僧紫

事始云代宗實錄曰大曆三年僧惠崇內賜紫袈裟記以為僧賜紫衣之始按慧琳僧史略曰則天朝僧法明譯大雲經陳符命言法朗等皆賜紫袈裟則僧之賜紫自天后始也不然唐會要安得開元二十年波斯王遣僧及烈至唐勅賜紫袈裟還國之事也蓋僧賜紫不起於代宗明矣

僧褐

僧史略曰漢魏之世出家者多著赤布僧伽梨又株陵諸僧衣色倣西竺後周忌闍黑衣之識悉屏黑色著黃色衣謂今

僧衣褐起於宇文周制注陔北齊忌黑文宣慈弟煥以七匹漆厲黑後果敗於宇文黑獺然則非後周也

筆受

宋朝會要曰太平興國七年六月譯經院成譯經詔梵學僧筆受綴文七月詔左右街義學僧詳定十二月選梵學沙門一人為筆受義學沙門十人為證義其後以惟淨為梵學筆受自此其始也談苑曰譯經常以梵僧後令惟淨同譯經梵學筆受二人譯經綴文二人證義八人唐世翻譯有筆受官以朝臣為之佛陀多羅之譯圓覺經也房融為筆受是矣宋朝太宗始用梵學僧也

伎術

伎術醫卜部第三十九九二十二事

黃帝內傳曰帝既昇為天子命勾芒等司五行於是針經脈
訣天文地理卜法筭術吉凶喪葬無不備也凡彼術皆自軒
轅始

醫

帝主世記曰黃帝使岐伯主典醫疾以療衆疾說文曰巫彭
初作醫呂氏春秋亦曰巫彭作醫

醫書

皇甫謐帝主世紀曰黃帝命雷公岐伯教制九鍼著內外經
素問之書咸出焉黃帝內傳曰帝昇為天子鍼經脈訣無不
備也故金匱甲乙之類皆祖黃帝

方書

世諸方書藥法雖損益隨時大抵祖述黃帝如脈訣之出於

晉王叔和病源之出於隋巢元方湯液經之出於商伊尹傷
寒論之出於漢張機千金備急出於孫思邈外臺秘要出於
唐王珪宋朝太宗求天下各方集太平聖惠其餘紛紛無代
無之高氏小史曰炎帝作藥方以救時疾

小方

孫思邈千金方曰小兒六歲以上黃帝無說中古有巫妨始
撰顛顛經以占壽夭自茲始有小方則小兒方藥始於巫妨
也

雜經

帝王世紀曰黃帝命雷公岐伯論經脈旁通問雜八十一為
雜經揚元操雜經序曰黃帝八十一雜經者秦越人所作按
黃帝內雜二秩秩九卷其義雜究越人乃採精要八十一章

為雜經

本草

帝王世紀曰炎帝嘗味草木宣藥疾著本草四卷至梁陶洪景唐李世勣等注叙為二十卷宋朝開室中重校定仁宗嘉祐中命掌禹錫等集類諸家叙藥之說為補注本草唐書于志寧傳志寧云世固惟記黃帝內外經不載本草齊七錄乃稱之世謂神農嘗藥黃帝以前文字不傳以識相付至桐雷乃載篇冊然所載郡縣多後時疑張仲景華佗竄記其語梁陶洪景本草序云此書應與素問同類其餘多與志寧之說同也

百藥

淮南子曰神農始嘗百草之滋味當此之時一日而七十毒

世本曰神農和藥濟人則百藥蓋自神農始也世紀或云伏羲嘗味百藥非也梁陶洪景本草序曰神農氏王天下宣藥療疾以拯夭傷高氏小史曰炎帝嘗百草以治病嘗藥之時百死百生

九鍼

帝王世紀曰太昊畫八卦以類萬物之情六氣六府五藏五行陰陽四時水火升降得以有象百物之理得以有類乃制九鍼又曰黃帝命雷公岐伯教制九鍼蓋鍼灸之始也

明堂

今醫家記鍼灸之穴為偶人點誌其處名明堂按銅人腧穴圖序曰黃帝問岐伯以人之經絡窮妙于血脉參變乎陰陽盡書其言藏於金蘭之室泊雷公請問乃坐明堂以授之後

世之言明堂者以此

醫獸

續事始曰黃帝時有馬師皇者善醫馬通神明故周禮天官有獸醫夏官有巫馬之職也

日者

史記日者傳注云古人通卜筮則謂之日者其事則周太卜之職也墨子將北之齊過日者注謂當是周末語然也

卜

龜曰卜事始曰包羲氏時始有卜春火元命包曰古可惟主卜也

筮

著曰筮世本曰巫咸作筮古史考曰商時巫咸善筮也呂氏

自此至射御條相字止

宋本脫

春秋亦云巫作筮歸藏曰女媧巫張雲幕而枚占書舜曰龜筮協從荀筮誠巫咸所作則歸藏與書安得言筮也古史考曰庖犧氏作卦始有筮以蓋其初也

三式

風后演河圖為一千八百局曰遁甲周太公約為七十二漢張良定為一十八以六甲相遁而起故名遁甲并太一六壬是為三式黃帝內傳曰王母使玄女授帝法有九天九地八門六甲之術即今遁甲也蓋曰黃帝始

占歲

世本曰后益作占歲呂氏春秋亦云爾師曠占乃有黃帝欲知歲苦歲樂歲善而占有逢齋爻先生之說即占歲為起於黃帝

雜占

晉律曆志曰黃帝使羲和占日常儀占月申區占星之氣呂氏春秋曰羲和作占日常儀作占月

靈臺

異苑曰十二碁卜出自張文成受法於黃石公蓋今靈其谷也法以十二子分上中下擲之據所得按法驗之以考吉凶文成留侯張子房之謚也唐事遠碁經序曰靈經不知其所起或云漢武帝東方朔使之占兆无不中朔之術蓋用此又云張子房所師黃石公以之授良又云客以術于淮南王王祕其事亦此書也

書

易通卦驗曰伏羲方牙倉精作易無書以畫事注云作易以

為政而不書但畫其形此畫之起也世本曰史皇作圖宋衷云黃帝臣圖謂畫物象也或曰史皇即蒼頡呂氏春秋亦曰史皇作畫

射御

易繫九事稱黃帝作弧矢以威天下又曰服牛乘馬引重致遠則射御皆始於黃帝也世本曰臣胙作服牛相上作乘馬揚作駕朱襄云昔黃帝臣又曰韓哀作御謂加精巧逢蒙作射謂改制也呂氏春秋作韓哀作御也

規矩

尸子曰古者倮為規矩準繩使天下儻焉倮黃帝時巧人百巧

山海經曰帝俊生身身生義均義均生始為巧倮始作百巧

也

事物紀原集類卷第七



5

